


如此疾寒繞絕
春可知果抵在何
時

梅彥延年


茂溪賢物情清客



如此夜寒繞絕
春可忘果抵在何
時

梅彥題年

茂溪賢物情清



九僧詩目錄



劔南希畫十八首

金華保暹二十五首

南越文兆十三首

天台行肇十六首

沃州簡長十七首

青城惟鳳十三首

淮南惠崇十一首

江東宇昭十二首 續添一首

峨眉懷古九首

九僧詩
右九僧詩共一百三十四首又續添一首

九僧詩

希畫十八首

寄題武當郡守吏隱亭

郡亭傳吏隱閑自使君心
卷幕知來客懸燈見宿禽
茶煙逢石斷碁響入花深
會逐南帆便乘秋寄此吟

送信南歸鴈蕩山

千峯鄰積水秋勢遠相依
路在深雲裏人思絕頂歸
長天來月正危木度猿稀
誰得同無念寥寥此掩扉

懷廣南轉運陳學士狀元

極望隨南斗迢迢思欲迷春生桂嶺外人在海
門西殘日依山盡長天向水依遙知仙館夢夜
夜怯猿啼

書惠崇師房

詩名在四方獨此寄閑房故國一作寒濤潤春
城夜夢長禽聲沉遠木花影動回廊幾爲分題
客殷勤掃石床

斷碑

片玉侵寒折零文見斷蟲遠沉岡草際半露壑

冰中跡著人何在年銷事已空唯聞壞陵柏相
弔起悲風

寄懷古

見說鷗陰僻人煙半雜菴秋深邊日短風勁曉
笳長樹勢分孤壘河流出遠荒遙知林下客吟
苦夜禪房

留題承旨宋侍郎林亭

翰苑營嘉致到來山意深會茶多野客啼竹半
沙禽雲溜懸危石碁燈射遠林言詩素非苦虛
荅侍臣心

送嗣端東歸

遠念生泉石人中事欲銷卷衣城木落尋寺海
山遙帆影迷寒鴈經聲隱暮潮後期俱未定况
我鬢先凋

寄河陽察推駱貞外

郡齋鄰小室夏木冷垂陰况是多閑日應懸長
卧心角當中島起牆背遠橋沉獨愛南樓月終
期宿此吟

送惟鳳之終南山

關內寒生早南山萬木凋長空人望絕積雪獨

尋遙靜息非同隱閑吟忽背樵幾侵峯頂月相
念起中宵

寄壽春使君陳學士

三處波濤郡連年輒謝公春齋山藥徧夜舶海
書通樓潤星河露川寒鼓角風誰當刊惠政一
一古賢同

送從律之關中

西游無舊識何處寄吟身客路秦關暮鄉心海
樹春河濤行不盡嶽翠望空新早晚回孤錫東
浮結近鄰

寄荅桂府黃殿院

桂水在天末登高生遠思來書逢歲闕去夢歷
峯危別浦珠全返空臺柏半衰詩成見新月幾
負郡齋期

送可倫赴廣南轉運使君見招

別語畏殘漏心懸瘴海邊回期無定日去路極
遙天苦霧沉山郭寒沙漲隰田幾宵尋使君清
話廢閑眠

早春闕下寄觀公

客心長念隱早晚解書招看月前期阻論山靜

會遙微陽生遠道殘雲下中宵坐見青門柳依
依又結條

送李堪

要地無深託飄然又出關秋聲動羣木暮色起
千山岸草隨秋遠江雲入望閑何宵發孤詠月
冷洞庭閒

送朱庠

別業滄波外秋風歸去心玉繩天闕遠金析海
城深素瑟沉幽意寒蟬共苦吟鄰漁知有約乘
月夜相尋

過巴峽

遠望知無極窮秋日向殘孤泉瀉空白泉木倚
雲寒靜想猿啼苦危聞客過難寸心寧可寄前
去雪漫漫

保暹二十五首

江行

渺渺沉清際回頭望即賒幽禽飛共濶野客泛
無涯浦暗微分樹灘遙半漲沙今宵應有月重
得宿蘆花

寄從弟

天外跡如萍何人慰遠情煙霄滯秋薦水國廢
春耕旅夢寒應斷吟髭白恐生無因話消息一
鴈度江城

金陵懷古

石城秋月滿煙水冷蕭蕭戰氣悲千古歌聲散
六朝螢飛宮草暗霜白井桐凋竟日秦淮上思
賢莫可招

秋徑

杉竹青陰合閑行意有憑涼生初過雨靜極忽
歸僧蟲跡穿幽穴苔痕接斷稜翻思深隱處峯
頂下層層

宿宇昭師房

與我難忘舊多期宿此房眠雲歸未靜得夜話
空長草際沉螢影杉西露月光天明共無寐南

去水茫茫

途次望太行山

盤影遮空黑愁生入望賒高來難客路深去斷
人家翠死寒溪木香殘別洞花今何處宿山
口日將斜

書惟鳳師壁

草徑通深院秋來心更閑城中無舊識門外是
他山究寂生吟思持齋得病顏一宵多約我靜
話出人閒

石席

有牀卷不得閑齋惜夜長坐來消暑氣睡去入
秋鄉隱隱生寒骨沉沉發冷光何時遂深遁移
取置山房

重登文兆師水閣

重來久凭欄臨水景多閑高樹下殘照寒潮平
遠山夜吟長負宿秋病幾思閑早晚離城裏從
茲寄掩關

寄徐任

鄉園久斷寒夜起歸心遠路秦關外啼猿劔
樹深貧遊年暗改醉卧月空江幾夕踈林下相

思廢靜吟

送簡上人之洛陽

閑身無所滯獨去背春城望越鄉心斷迎嵩隱
思生野禪依樹遠中飯傍泉清相府如投刺分
題有竺卿

寄白閣元貞

一聞歸白閣更不入長安絕頂無人上西風徹
夜寒懸崖乘雪度飛瀑過雲看應念驗名者青
門得路難

老僧

鬢毛垂似雪無語苔閑人擁衲坐終日浮生知
幾春乘船應夢越提錫記遊秦半夜寒堂掩磬
聲聞四隣

登蕪城古臺

無處堪高望城邊上古臺窮秋人獨立落日鴈
空回地險千峯出霜嚴萬木摧遲吟不能下滿
眼是塵埃

寄行肇上人

舊隱湖西寺青青千萬峯來書度深雪歸夢斷
踈鐘開口與時避一作背論心似我慵流年共衰

鬢昨夜又聞蛩

送蔣白歸越

會稽連照水歸意兩何親山影到平地湖光生
四隣虛牕寒對曉孤棹遠浮春未可從耕釣青
雲懶致身

書泝河徐希秀才別業

渺渺渡頭路客心難解携半空山遠近寒日水
東西漾浦漁罾小飛沙鴈陣低霜風起深夜只
是欠猿啼

秋居言懷

默默踈林下獨知秋氣濃
半生猶是客昨夜更
聞蛩吟苦人成癖年衰自長慵
終期拂衣
上有諸峯

早秋閑寄宇昭

牕虛枕簟明微覺早涼生
深院無人語長松滴
雨聲詩來禪外得愁入靜中
平遠念西林下相思合慰情

憶松江

曾向長洲泛渺漫沉青空闊
鳥飛難平沙杳香
夜潮落別浦依依秋樹寒
閑浸客亭浮去棹冷

淹漁屋漾垂竿歸心早晚懸
帆到是處僧樓更
上看

寄洪州新建知縣張康

遠聽絃歌樂部封放衙乘醉半
踈慵家辭南越
無千里縣管西山有幾峯
人望廢田禾影合吏
愁空獄蘚痕重孺亭應更悲
前事煙草萋萋叫
夜蛩

礮溪

不肯隨波自直鉤一朝以道佐
成周後來亦有
人於此只把漁竿空白頭

九僧詩
送人自闕下歸天柱
却歸天柱峯前去高謝浮名似了心
林下孤燈一聲磬青猿啼斷白雲深

巴江秋夕

巴水寒聲去渺茫半空雲樹落秋光
離人此夜和愁宿不聽啼猿亦斷腸

書杭州西湖涉公堂

孤舟孤鶴與孤雲湖上深居自不羣
高卧可能容一榻青山西岸且平分

文兆十三首

幽圃

遠與村橋接深春積雨時蘭芳人未採
花發蝶先知草密封閑徑林踈露短籬
別來鋤久廢身老恨歸遲

江上書懷寄希畫

扁舟上脉脉興何窮吳楚十年客蒹葭
一夜風東林秋信斷南越石房空向此
都忘寐君應與我同

弔屈原呈王內翰

抱清誰可羣委質在湘濱今日不同楚無人更
似君滄波沉夜魄古廟聚寒雲弔罷踟躕處漁
歌忍獨聞

寄行肇上人

詩禪同所尚邂逅在長安爲客閑相似趨時嬾
一般分題秋閣迥對坐夜堂寒未遂歸山計流
年鬢已乾

送史館李學士任和州

事主惟公直承恩赴歷陽舟浮淮水遠路遠楚
山長館謁僧侵月郊迎吏蹋霜下車難久滯飛

詔即徵黃

寄保暹師

近聞高靜趣猶寄廣陵居夜會聽琴阻秋期看
月踈幾成歸越夢久絕入梁書四釋分處處年
來一榻虛

巴峽聞猿

倚棹望雲際寥寥出峽清心如無一事愁不在
三聲帶露諸峯迴懸空片月明何人同此聽徹
曉得詩成

送守昭師

相見又相別無言感倍興諸峯微下雪一路獨
行僧午飯煙村磬宵吟石屋燈他方人請住又
得繼南能

莎庭

苒苒從莎長淒涼雨乍晴窮秋閑客步落日亂
蛩鳴近接苔堦迥遙連竹徑平杖痕兼鶴跡來
往自縱橫

送惟鳳師之終南

終南關內見寒翠疊空虛明代誰招隱深秋自
卜居宵晴吟洞月日曉飯溪蔬此後嫌名出應

無入闕書

宿西山精舍

西山乘興宿靜稱寂寥心一徑杉松老三更雨
雪深草堂僧語息雲閣磬聲沉未遂長棲此雙
峯曉待尋

送簡長師之洛

動靜非常態超然西去心水期經洛聽雲約到
嵩吟齋訪煙村遠禪依竹寺深祗應風雅道相
府是知音

贈天柱山昕禪老

九代詩
十
幾年天柱居韜光外浮世禪心混沌先詩思雲
霞際山雪滌茶鐺谿泉濯祖毳富德鄙利徒貴
道輕權勢竹牖晴長開松扉夜不閉霜嚴庭樹
萎雨暴龕燈翳紅葉遇寒燒白頭逢暖剝終期
爲近鄰清話素相契

行肇十六首

中秋對月

暮雨過寥廓江天正青蒼列樹無殘陰積水有
異光蟲幽鳴欲徧宿鳥驚忽翔永夜
我吟清章
鑑

聽宇昭師琴

遙空雨初霽深徑禪未鳴忽品文王絃若聽宣
尼聲月色半峯出秋光四簷清韻斷意轉冥塵
心若爲情

湘江有感上王內翰

九代詩
達士絃性直佞人膠辭柔靳尚一言巧靈均千古愁孤蟾魄長在寒雲恨難收空使湘江水至今無濁流

送希晝之九華

忽起塵外心跡謝人中境雲去竹堂空驚下秋池靜野宿清溪深月在諸峯頂日暮立長江遙看片帆影

卧病吟

杉窻秋氣深入夜四簷雨枕冷夢忽醒獨對孤燈語流螢隱回廊驚鴻度寒渚空令一寸心悠

悠生萬縷

送惟鳳之衡陽

重城獨隱居世人寡相識回塘路寂寥深徑花狼籍西風思忽生南泉語還憶遙山去意長大江歸夢直日暮立荒原迢迢望空碧

泛若耶溪

霽雨牽野情孤舟遂茲賞積水連遠空落日垂萬象岸迴雲獨隨山轉泉更響望望極寒源由言放輕槳

送從律師西遊

九
作
詩
蟄鱗伺新春望極融融歸驚禽別舊巢念遠遲
遲飛吁君腹至業歲故志獨違心絃世寡聽意
鑑古亦稀出關自荷篋入秦扣誰扉埃目若忽
失風雨遠漸微將看吐虹章冷射仙掌輝

寄終南种徵君

紫閣浮清漢高眠稱此心住溪人未識歸路鶴
知深峯晚迴寒翠猿孤發夜吟霜天獨西向無
復夢山陰

送簡師南遊

古岸侵煙出揚帆拂署星層城關海日列樹隱

沙汀潮落家遙見梅花檝暫停舊峯歸許晚長
憶隔吳青

郊居吟

靜室簾孤捲幽光墜露多徑寒杉影轉窻晚雪
聲過茗味沙泉合鑪香竹靄和遙懷起深一作風雨
夕舊寺隔滄波

送懷古師歸蜀

山落雲陽外去程寒接巴劔水連漢直棧閣挂
空斜聽錫樵停斧窺禪鳥立槎舊房春到晚深
徑始開花

送文兆歸廬山

劍峯雙倚漢蕩槩月中歸潮白島西出帆孤岸
際飛香連潭影直磬雪聲微幾夕 詩坐 相
思入定稀

酬贈夢真上人

禪舍因吟往晴來坐徹宵春通三徑晚家別九
江遙巢重禽初宿窻明葉旋飄住期應未定謝
守有詩招 青社凌史君
以詩見招

送蒲奉禮之鄞江

官舍仙山裏全家去若歸江聲鼉背出帆影斗

邊飛宿館荷香接吟亭島色圍前秋賞明月況

對謝玄暉 兼簡典郡
太原史君

送文光上人西遊

高木墜殘霖關河入遠心嵩遊忘楚夢華近識
秦音塔古懸圖認碑荒背燒尋幾思興替事獨
上灞陵吟

簡長十七首
夜感

無眠動歸心寒燈坐將滅長恐浮雲生奪我西
窻月

懷盧叔微

病起啓秋匣素琴生塵埃朱絃愁零落古意空
徘徊子期不我至獨上高高臺

贈峽山清倫師

褰衣汲靈水混滌巾履塵煙靄霽杉竹澄凝此
心神高僧灑真雨澤彼寒草春華月寫空印清

霜肅齋身猶言振金策歸作耶溪鄰

步春謠

春景欲饒物客心獨優柔藉茲徘徊芳彊起寂寞遊新愁來易積舊歡去難收步春不得侶不如步高秋

送方仲荀

行客心如何借劍爲君歌雨昏山未開花盡春無多欲知貧別情義淚空滂沱

晚次江陵

楚路接江陵倦行愁問程異鄉無舊識多難足

離情落日懸秋樹寒蕪上廢城前山不可望斷續暮猿聲

書行肇師壁

禪徑秋苔合寒窻帶雨痕心真冥自契句好與誰論露冷蛩聲咽風微葉影翻白雲如有意終日在前軒

寄丁學士

想極南溟外江園草樹秋浮生如寄夢幾夕是離愁仙館閑明月星車背遠流祗應西掖吏時復望滄洲

李氏山莊留別

鶴氅輕冠冕誰人不羨君松齋秋掩月石竇醉
眠雲遠墅窑煙合寒原驛路分前行鞭瘦馬餘
恨暫離羣

贈郝禮丞

住近城西寺門無俗客登朝回簾捲雪吟冷硯
生冰鳥影罇中過茶煙竹際凝遙思來夜月虛
閣與誰凭

感王太守見訪

行春擁隼旗十里訪禪居煮茗沙泉白調琴竹

閣虛致君公望重對客宦情踈向夕回軒冕林
僧識佩魚

宿許山人別業

嵐霽景初分溪橋對石門犬聲知遠客燒影見
前村古木秋生菌空山夜苔猿幾因留我宿靜
話極詩源

送僧南歸

漸老念鄉國先歸獨羨君吳山全接漢江樹半
藏雲振錫林煙斷添瓶澗月分重棲上方夜孤
狔雪中聞

送居壽師西遊

迢遰咸秦路東風送子遊幾程看日落孤影背
河流古戍煙微斂遙峯雨半收行行吟此景應
不念滄洲

送行禪師

南國山重疊歸心向石門寄禪依鳥道絕食過
漁村楚雪粘餅凍江沙濺衲昏白雲深隱處枕
上海濤翻

送僧遊五臺山

五峯橫絕漢寒翠倚蒼冥積雪無煩暑高杉礙

落星磧雲簷外見邊角坐中聽師到栖禪夜龍
湫獨灌餅

暮春言懷寄浙東轉運黃工部

花落前林春又殘舍深蒼蘚擁柴關十年霜雪
獨爲客萬里夢魂空到山溪竹舊憐同性直嶺
雲終約伴身閑遙思謝傅多公暇應徧留題水
石閒

惟鳳十三首

與行肇師宿廬山棲賢寺

冰瀑寒侵室圍鑪靜話長詩心全大雅祖意會
諸方磬斷危杉月燈殘古霜霜無眠向遙夕又
約去衡陽

送史館李學士任和州

歷陽南望極岸遠石城危去夢驚潮斷行吟見
鴈隨淮帆向風濶楚木落秋遲到日應閑卧公
心帝自知

荅宇昭師

九僧詩
要地無閑日吟蹤肯暫過林泉歸計晚雨雪向
春多徑僻稀來客庭荒半長莎獨眠思舊約寒
夢遶煙蘿

寄登封宰韓殿丞

前秋登閣晚吟次見晴雲中嶽聳當縣三年靜
對君朱衣借客典清俸買書分別後逢搖落相
思隔晉汾

送陳豸處士

草長開路微離思更依依家遠知琴在時清買
劍歸孤城回短角獨樹隔殘輝別有鄰漁約相

迎掃釣磯

寄希晝

閑中吟鬢改多事與心違客路逢人少家書入
闕稀秋聲落晚木夜魄透寒衣幾想林閒社他
年許共歸

留題河中柴給事望雲亭

郡閑思退隱嘉致望雲秋舊客容誰訪新詩許
我留棊窓寒日短琴幌夜燈幽青瑣無歸夢期
僧話沃州

秋燈

耿耿銷深暗孤窓豈暫忘照回秋夢斷靜引夜
吟長病鼠驚空穴寒螢聚缺牆鄰居還共惜及
物有餘光

寄昭文館陳學士

秋深荒外客獨上望京臺遠信未封去新鴻又
見來地寒邊樹短天靜瘴雲開無限心向相南
宮卧錦才

送徐涉南歸

長安來鴈急相顧話離心日落思家遠天寒歸
路深秋光生獨樹夕吹響孤砧漸入雲鄉望應

無越客吟

弔長禪師

霜鍾侵漏急相弔曉悲濃海客傳遺偈林僧寫
病容漱泉流落葉定石集鳴蛩回首雲門望殘
陽下遠峯

寄兆上人

久負中條約秋深興若何白雲歸望遠黃葉意
空多靜卧侵仙掌微吟隔楚波飛書荅招隱迢
遞寄煙蘿

姑射山詩題曾山人壁

九僧詩
東西望朔漠姑射獨崔嵬一片兩片雲終南太
華來根繞黃河曲影落清渭隈深澗飲渴虹邃
洞生秋雷古徑窮難盡晴嵐撥不開海鵬飛上
遲邊風勁觸回傲隱非他古依靈有竒才曾生
心若何猿聲終夜哀

惠崇十一首
訪楊雲師淮上別墅

地近得頻到相携向野亭河分岡勢斷春入燒
痕青望久人收釣吟餘鶴振翎不愁歸路晚明
月上前汀

塞上贈王太尉

飛將是嫖姚行營已近遼河冰堅度馬塞雪密
藏鷗敗虜殘旗在全軍列帳遙傳呼更號令今
夜取天驕

贈文兆

九僧詩
二十四
偶依京寺住誰復得相尋獨鶴窺講講鄰僧聽
夜琴注瓶沙井遠鳴磬雪房深久與松蘿別空
懸王屋心

送安學士守睦州

白浪滿遙程公衙
聲海帆通夜市山雨徧
春耕古意隨琴遠離愁對酒輕三吳窺列宿知
傍隼旗明

贈吳黔山人

三年不下岳衣履古苔侵石澗探幽步風雨得
句心黃猿知日暝青樹覺春深又向南峯住時

時許我尋

晚夏夜簡程至

中夕坐清簟繁星時復流扇聲微變暑井氣忽
生秋爲客方經楚思鄉欲上樓雲山殊未返相
顧兩悠悠

書林逸人壁

詩語動驚衆誰知慕隱淪水煙常似暝林雪乍
如春薄酒懶邀客好書愁借人有時行藥去忘
却戴紗巾

古塞曲

九傳詩
二十五
邊風久不息戍鼓何鏜鏜五月無青草滂沱流
斷冰健兒昧形勝漢騎恣憑陵出號朔風起受
降沙壘崩樓煩已納款天意威稜歸佩封侯
印喧然世所稱

剡中秋懷畫師

秋生剡江濱清氣日泱泱雲歸樹欲無潮落山
疑長偶坐還獨謠故人在遐想夕景孤嶼明暗
蟲四鄰響神會如目存安知途路廣

擬古

幽禽迎曙響佳木含春榮獨有綺窓婦耿耿萬

里情塵色皓駕幌日華明風箏高蓋久不返中
宵自懷貞

中夜起

初月不到曉夜色何冥冥獨立秋江上風波卷
寒心

宇昭十二首

夕陽

向夕江天迴微微接水平帶帆歸極浦隨客上
荒城雲外僧看落山西鳥過明何人對幽景
萋萋敗沙并

塞上贈王太尉

嫖姚立木勳萬里絕妖氛馬放降來地鷗閑戰
後雲月侵孤壘沒燒徹遠蕪分不慣為邊客宵
笳懶欲聞

宿丁學士宅朱巖希晝不至

九僧詩
幽期不可見
牢落望君情
坐久詩源寂
談餘井浪平
月依寒木盡
蛩背冷燈鳴
空聽溝西寺
宵鍾出禁清

廢井

古院無僧住
荒涼樹石閒
停汙寒甃缺
廢沒遠泉慳
雨漲蛙疑聚
宵晴月自還
因尋成獨感
吟遶見衰顏

送曹商之宿州兼簡駱偃

病起春城暮
行心暗結愁
全吳無舊半
半世祇羈遊
島霧沉晴樹
汀煙入夜舟
故人應老大
佐

幕久淹流

寄保暹師

吟會失秋期
荒山寄病時
客髭生白早
叢木落青遲
渴猊窺莎井
陰蟲占菊籬
歸心何以見
霜月下天涯

上集賢錢侍郎

解職因求養
清名冠集賢
優遊書府裏
談笑板輿前
鶴髦朝時脫
山圖卧處懸
江僧閑獨訪
時得話林泉

喜惟鳳師關中回

孤錫依京寺詩愁上鬢新跡離三輔晚夢落九
江頻草入松根井磬通花外鄰重來知未倦閑
趣自相親

松柄

澗底分貞幹寧將塵尾同坐閒長滴翠話次忽
生風影落孤燈外聲寒靜室中有誰知此意林
下石叢叢

幽居即事

掃苔人跡外漸老喜深藏路僻閑行遠春晴晝
睡長餘花留暮蝶幽草戀殘陽盡日空林下孤

禪念石霜

送從律師

病起辭吟社出京無舊房關中行半月詩外祇
空囊白道沿嵩直青蕪夾渭長勝遊多杜曲風
景似吾鄉

贈魏野

別業唯栽竹多閑亦好奇試泉尋寺遠買鶴到
家遲藥就全離母詩高祇教兒未能終住此共
有海山期

曉發山居

蓐食小人家寒燈碎落花雞鳴牕半曉路暗月
西斜世故欺懷抱風霜近歲華劇憐詩思苦悽
惻向長沙 見瀛奎律髓十四卷

懷古九首

送田錫下第歸寧

念別孤親久無成萬里歸筭程芳草盡去國故
人稀棧閣浮空險刀州入望微前期有公薦莫
愧老萊衣

原居早秋

秋生深徑裏老病眼慵開戶外行人絕林間朔
吹回亂蛩鳴古塹殘日照荒臺唯有他山約相
親入望來

聞蛩

九僧詩
幽蟲侵暮急斷續苦相親
夜魄沉荒壘寒聲出壤鄰
霜清空思切秋永幾愁新
徒感流年鬢莖莖暗結銀

寺居寄簡長

雪苑東山寺山深少往還
紅塵無夢想白日自安閑
杖履苔花上香燈樹影閒
何須更飛錫歸隱沃洲山

灞陵秋居酬

灞陵秋負期獨客自懷悲
遠水去無極離人來幾時
暝煙沉古道寒日墮喬枝
寄信遙天外殷

勤說白髭

草

漠漠更離離閑吟笑復悲
六朝爭戰處千載寂寥時
陣闔圍空壘叢踈露斷碑
不堪殘照外牧笛隔煙吹

贈萬年胡主簿

廉可繼懸魚官清術有餘
民田侵廢苑公署似閑居
草長通囹圄花飛落簿書
見君松操直經考只如初

爛柯山二首

仙家輕歲月浮世重光陰白髮有先後青山無
古今局終柯已爛塵散海尤深若覓長生路煙
霞無處尋

王質爛柯事傳聞不在疑百年容易客一局等
閑棊此著有誰見無言祇自知石橋南畔路依
舊日斜輝

歐公當日以九僧詩不傳為歎辰後公六百
餘年得宋本弃而讀之一幸也按之晁陳二

氏皆多詩二十餘首二幸也晁公武郡齋讀

卷一百十篇陳直齋書錄解題一百七首今

辰所得一百三十四首比晁多二十四首比

陳多二首此本但有僧名而不著所產又從周

輝清波雜誌各得其地名三幸也又從瀛奎

律髓得字昭曉發山居一首并為增入但陳

直齋所云景德初直昭文館陳充序目之曰

琢玉工以對姚合射雕手者此本無之誠欠
事也方虛谷謂司溫公得之以傳於世則此

書賴大賢而表章之豈非千古幸事哉雜誌
又謂序引崇到長安人遊曲江少草入未央
深此亦無之且謂惠崇能畫引荆公謂為據
讀瀛奎律髓有宋景文公過惠崇舊居詩又
讀楊仲弘集有題惠崇古木寒鴉詩并歐公
詩話清波雜誌二則附錄於左康熙壬辰三
月望日隱湖毛扆斧季識

國朝浮圖以詩名於世者九人故時有集
號九僧詩今不復傳矣余少時聞人多稱
其一曰惠崇餘八人者忘其名字也余亦

略記其詩有云馬放降來地雕盤戰後雲
又云春生桂嶺外人在海門西其佳句多
類此其集已亡今人多不知有所謂九僧
者矣是可歎也 見六一詩話

輝昔傳九僧詩劔南希畫金華保暹南越

文兆天台行肇沃州簡長青城維鳳江東
宇昭峨嶺懷古淮南惠崇也九僧詩極不
多景德五年直史館陳充所著序引如崇
到長安人遊曲江少草入未央深之句皆
不載以是疑為節本崇非但能詩畫亦有

名世謂惠崇小景者是也畫史紛紛何足
數惠崇晚出吾輩許荆公詩云爾見周輝清波雜

志第十
一卷

雖昧平生契懷賢要可傷生涯與薪盡法

意共燈長遺畫空觀貌殘詩孰補亡

元注本院

惟有師詩

神期通一語無乃困津梁

元注云予

葉數卷

為郡之年師之去世已二紀矣。方虛谷

云景文年四十四初得郡壽陽惠崇舊居

院在境內選此詩以見惠崇之死宋公年

二十也。宋景文過惠崇舊居詩見瀛奎

律髓第三卷

江上秋雲薄寒鴉散亂飛未明常競噪向

晚復爭歸似怯霜威重仍嫌樹影稀老僧
修止觀寫物固精微

楊仲題題惠崇古木寒鴉見仲弘詩集第

卷三

九
傳
詩

